

張大司馬奏稿

第四冊

張大司馬奏稿卷四

目錄

辦理收復撫卹事宜摺

准監阻滯請借銷川引片

請調前任藩司唐樹義貴州黎平府知府胡林


翼來楚居遣片

委員署理糧監二道并廳縣各篆務片

歷陳辦理支絀情形摺

湖南勦辦土匪情形片

江臬司未能速赴江南大營片



辦理收復撫卹事宜摺

咸豐三年二月十一日會署湖北巡撫駱秉章銜

奏為敬陳見在辦理收復撫卹各事宜仰祈

聖鑒事竊臣等承准軍機大臣字寄咸豐三年二月

初一日內閣奉

上諭張亮基駱秉章各馳奏抵省任事查辦地方情

形一摺賊匪竄擾武昌圍攻匝月官紳士民嬰城固

守迨至城陷之後慘遭焚掠據奏荼毒情形深堪憫

惻該督督撫於十九二十二等日先後到省詳加查勘

除殉難大小官員業經贈卹建祠并候續查到日再

行加恩外著張亮基駱秉章督同嚴正基江忠源及

地方署事各員將見在存城老幼男婦并被擄送回

各丁壯加意撫卹一面掩埋屍骨安集流亡招致商
民嚴懲土匪毋令一夫失所漢陽收復之後蹂躪彫
殘亦與省城大略相似其應派員前往撫綏之處著
該署督撫妥為籌辦俾兵燹遺民漸安生業以慰朕
懷欽此仰見我

皇上軫念被難臣民無微不至既贈卹以獎忠復撫
綏以救患臣等跪誦之餘悲感交切伏念湖北省城
自康熙年間遭裁兵夏逢龍之變後距今百數十年
休養生息人物滋豐世際

昇平不知金革邇因逆賊擾及楚疆先攻漢陽繼圍
省會兩城疊陷虐斂益張屠戮之酷擄掠之繁搜括

之苛種種慘毒情形前摺已備陳梗槩臣等先後馳
抵省垣卽督同署藩司嚴正基署臬司江忠源署武
昌府知府金龍門署漢陽府知府張汝瀛次第籌辦
并延訪本地士民將見在亟應舉行各事宜悉心商
榷當此時絀舉羸之時不獨遇事宜力求核定且先
後緩急之間尤宜細意斟酌務期措置稍順輿情而
於

國計仍無窒碍至漢陽府城相距只隔一江臣等已
先後親詣該處查勘安撫蹂躪彫殘亦與省城大略
相似已飭署知府張汝瀛遵照新擬章程辦理臣等
亦時往察看以期仰副我

皇上不忍一夫失所之意黃州府城居民於賊未至
之先遷徙一空惟衙署倉庫監獄民房多被燒燬見
飭署漢黃德道徐豐玉擇要先行補葺察看情形似
可毋庸辦理撫卹惟蒲圻縣被禍甚酷兵民遇害較
多一律遵照辦理除殉難文武官紳士民婦女各城
文武下落及被擾各州縣錢糧彙齊另摺辦理外所
有見在籌辦收復撫卹各事宜謹開列條款恭呈
御覽伏乞

皇上聖鑒訓示施行謹 奏

謹將見辦收復事宜開列條款恭呈

御覽

一城垣坍口宜亟拆修也查武漢兩城均被賊攻陷
漢陽府城身損壞尚少武昌府城文昌門一帶被逆
賊轟坍三處賊入城後將屍骸填滿地洞仍用磚補
砌城身查文昌門一帶漢江臨水每遇夏秋之交江
水泛漲迫齧城根基脚虛鬆時虞坍卸逆賊用屍骸
填塞慘無人理亟應將屍骸起盡收埋另用淨土填
寔層層堅築排列木樁以期穩固俟城身收復再將
各處城樓垛口趕緊修補以復舊觀臣等屢經周歷
查勘業飭委員鳩集夫匠於二月初二日興工辦理
一防城大小砲位宜趕緊製造也自賊連陷武漢兩
城及黃州府城將城上大小砲位起運上船盡數載

去見在城上各砲無存亟應鑄造以資防守查湖南
省城所造熟鉄砲位重百斤者可抵二百斤之用大
者可至五六百斤捶鍊精熟并無迸裂之患定為守
城應敵神器其二千斤以上砲位須用生鉄鑄造湖
南素稱産鉄之鄉又所需鉄炭皆産自湖南價值較
賤上年本省該局監造熟鉄及生鉄砲位一切作法
工匠皆所熟諳湖北見經兵燹之後物力維艱工匠
人等多被逆賊擄去應卽飭令湖南省局代為監造
由水路運赴湖北以資利用庶經費可省而事易集
一各州縣驛站亟宜設法協撥以速文報也查逆賊
自岳州府分水陸直犯武漢下擾蘄黃所過驛站被

焚驛馬被搶收復之後雖飭州縣暫時安設腰站雇覓健夫持遞文報遇有要件不能依限飛馳深虞貽誤自應一律買補馬匹各復舊規但照額買補需費不貲此時經費無出籌措高難祇合暫飭州縣分勾借撥以稍解之驛協濟衙達或暫雇民馬應用一俟經費有出卽行陸續採買馬匹還復舊額以速郵傳一各處修造宜分別緩急擇要興工也逆賊攻陷各府州縣城垣所有大小衙署獄庫倉庫庫廩祠廟多遭焚燬原應及時修復但當此公私罄竭之時時絀舉贏一切經費無從取給自不得不酌量辦理除監獄羈禁罪囚倉庫儲積財用兩項須趕緊修理以符

定制此外各祠宇載在此典可補葺者仍行補葺其
全行燒燬者一時籌措維艱興修祇可俟諸興日大
小衙署為官吏辦公之所見雖從權寄寓然吏役無
處棲宿文案無從收存諸多不便祇可酌量情形因
陋就簡稍加補葺以資棲止其需費在于兩以外者
概行暫停俟經費有出徐議酌量修葺

一督撫兩標及各營汛兵丁缺額宜陸續募補也逆
賊攻陷各城兵丁多因陣亡出缺臣等見飭中軍及
營員於曾經戰陣遣散鄉勇內陸續揀選募補以定
行伍

一招徠商賈以資轉運接濟也武漢兩城襟帶江漢

上通巴蜀秦豫下達江皖商賈輻輳素稱繁庶之區
自被逆賊殘破衢市蕭條百貨騰踊民間益形困敝
查湖北一省所產穀米不敷一省之食歲需四川湖
南兩省米商源源接濟以及油煤木料為材豆麥等
項無不遠資鄰省邇來因江路梗阻客商裹足不前
而往來船隻因封雇頻數畏累逃匿者尤復不少見
在賊去月餘江干商船停泊者尚復寥寥臣等刊發
告示咨陝西河南四川湖南等省四屬張貼曉諭商
民廣行招致并仰懇

天恩暫時免納關稅兩月自二月十五日起至四月
十五日止以示體卹其赴調兵勇及撤遣兵勇應由

各州縣雇覓船隻餉該弁兵等藉兵差為名強封商
船希圖索詐賣放以致騷擾商旅卽由臣等將該管
負弁嚴參治罪兵勇卽按照軍法究擬各州縣書差
丁役等如有藉應付兵差詐擾商民船隻者一體嚴
拏治罪以期商賈免累百貨流通小民得濟接濟
一查掣水陸賊盜以靖閭閻以安商旅也湖北一省
襄陽鄖陽兩府地接豫秦風氣各異襄陽向多搶匪
梟徒鄖陽向多咽喉匪隨州棗陽孝感土風強悍盜賊
搶劫之案時所不免漢陽漢川沔陽監利潛江江陵
公安石首枝江嘉魚蒲圻鍾祥黃岡新水蘄州黃梅
各州縣外江內湖港汊紛歧水盜出沒不常向為民

害近因逆賊肆擾盜賊乘機搶劫益肆鴟張臣等見
密札各州縣迅速查拏遇有夥黨過多州縣力不能
制者卽密派員弁選帶兵勇裝作商船痛行剿辦其
水陸著名兇惡匪首亦按名擒治以儆兇頑大約湖
北土匪不及湖南之多辦理尚易惟有仰懇
天恩寬以文法假以便宜俾得一力整頓庶商旅無
虞擾害而良善得以安全

謹將見辦撫卹事宜開列條款恭呈

御覽

一殉難文武員弁屍棺宜分別資遣回旂回籍以慰
忠魂也逆賊攻陷省城文武員弁抗節捐軀或全家

遇害或親屬家口悲憤自盡其屍骸有經親丁收斂者有經隨任戚友收斂者有經家人丁後收斂者有由新署府縣收斂者有被賊戕毀拋棄江中至今徧覓未獲者除仍飭委負印官設法尋覓打撈外其已脩棺收斂各負及該親屬家口屍棺亟應覆送回旂回籍以妥幽魂其見有親丁戚友在此者卽飭其自雇船夫料理扶櫬歸葬其無親丁戚友在此者卽由臣等行文各本旂本籍傳知該負親屬來楚迎柩歸葬其無力歸葬者統由臣等察看情形分別程途遠近屍棺數目人口多寡酌給盤費俾忠魂骸魄不致久滯異鄉以廣

皇仁以勵臣節

一殉難各負弁家口宜妥為撫卹也查殉難各負弁家口其生存者逃匿民間幸而得免貲財衣服經賊匪搜括一空寒餓交迫此時新經收復典所無出告貸無門寔堪憫惻臣已面諭府縣酌量賞給以示體卹

一殉難文武負弁迷失子女宜廣為尋覓也查殉難文武子女有逃散者有被賊擄去者應設法分途尋覓如經民間收養准卽報明分別酌給賞銀以全孤苦以慰忠魂

一被害紳士兵丁商民婦女屍骸宜速為收斂安葬

也查武漢兩城先後被陷該士紳兵丁商民婦女不甘
屈辱或被賊戕害或悲憤自盡大義凜然深堪憫惻
除見飭府縣查明出示該親屬速行收斂安葬其無
親屬收斂者查明的係義烈遺骸由官備棺斂埋其
餘屍骸查省城原設有永安局滋善堂普安堂積善
堂生生堂各紳耆辦理地方義舉向稱妥善據永安
局滋善堂紳耆呈稱願倡捐集費將城內并湖房屋
積屍無人收斂者逐一起出人數過多不及備棺
木即用席片裹束安葬義旣捐義不敷卽由官發給
銀兩趕緊斂埋以慰忠魂
一民間迷失子女宜設局收養給領也逆賊攻陷武